



KANTIK

ITRON VARIA AR SCLERDET

1.

Salud deoc'h, Mari, Rouanez
 Euz an Env hag an douar !
 Salud d'eoc'h ! Mam a drugarez,
 A greis kalon ni lavar.

DISKAN.

*Itron Varia ar Sclerdet,
 Clevit mouez ho pugale :
 Hed hor buez, Mam binniget,
 Hon diouallit noz ha de.*



2.

Choazet a bep eternite
 Da veza mam da Jesus ;
 Roet oc'h da vam deomp ive,
 C'hui hon rento oll eürus.

3.

Lee'hiou santel a zo merket
 Da henori ar Verc'hez ;
 Eno e skuil varnomp bepret
 Tenzoriou he madelez.

4.

Iliz ar Sclerdet so brudet
 Dre ar burzudou dispar
 A ra ar Verc'hez binniget
 E kenver an hep he c'har.

5.

Evit dont beteg ar Sclerdet,
Pelerinet gant guir feiz,
Da bedi hor Mam binniget
A dreuz pevar c'horn a Vreiz.

6.

A leiz an herichou ho gueler
O c'herruout a bell bras,
En eur bedi daoust d'ho skutsder,
Daoubleget var ho fenn bas.

7.

Darn a deu d'he zrugarekat
Euz ar grasou ho deus bet ;
Darn all euz an droug daoulagad
A c'houlén beza pareet.

8.

Evidomp-ni oll Bretonnet
A lavar a vouez huel :
Kent evit mankout d'ho karet
Ni ve guel ganeomp mervel.

9.

Dirag hoc'h imaj binniget
Er Sclerdet ni a bedo ;
Pa vimp tentet pe glac'haret
Gant flans ni a gano :

10.

D'an oll e Beuzec, Mam Doue,
Ho c'hoant hirio goulennet :
Ma savetañmp hon ene
O kenderc'hel d'ho karet.

Permis d'imprimer :

5 Août 1902.

F. CORRIEUX, vic. gén.

Kemper, impr. an Eskopti.



Beuzec Cap N.